



Demokraatit
Nuuk

Kigutininut nakorsaanerup atorfia pillugu apeqqutininut akissutit

Asasakka Demokraatit

Inatsisartuni Demokraatit gruppiat soqutiginninnerannut aamma kigutininut nakorsaanerup atorfia pillugu apeqquteqarnerannut qujaffigerusuppakka.

10-11-2017
Suliap normua
Allagaatini nr. 6554356

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@nanoq.gl
www.naalakkersuisut.gl

- 1) Naalakkersuisunut nassuiaqquneqarpoq tamanut kingutigissaanermut kingutigissaasut pisortaattut atorfiup qanoq pingaaruteqartiginera taamatullu aamma kingutilerisut pisortaata peqqinnissaqarfiup sinneranik taamatullu peqqinnissaqarfiup sinnerani aqutsisunik qanoq suleqateqarnissaa naatsorsuutigineqarpa.**

Naalakkersuisut isumaqarluinnarput kigutininut nakorsaaneq pisortat kigutileriffiitut pingaaruteqarluinnartoq. Kigutininut nakorsaaneq Kalaallit Nunaanni tamarmi kigutilerinermik ataqatigiissitsisuuvoq taamaammallu kigutilerinerup pitsaassusaannut ineriartorneranullu pingaaruteqarluni. Kigutininut nakorsaaneq kigutileriffiit assigiiaartuunissaannut ineriartornissaannullu qulakkeerinninnissamut immikkut ittumik suliassaqarpoq, pissutigalugu kigutileriffinni amerlanerni kigutininut nakorsat taarserartorujussuummata. Kigutininut nakorsaanerup inuiaqatigiinni assigiiaartumik neqerooruteqarnissaq qulakkeertussaavaattaq. Kigutininut nakorsaaneq aamma aqutsisoqarfimmi pisortaq ataatsimoorlutik kigutilerinerup peqqinnissaqarfiullu sinnerata akornanni suleqatigiilluarnissaq qulakkiissavaat. Peqqinnissaqarfimmi aqutsineq pillugu ataatsimeersuarneq periutsillu pillugit isumaqasioqatigiinneq naammasseqqammersuni peqqinnissaqarfiup kigutilerinerullu akornanni suleqatigiinnissaq sammineqarput, pingaartumik kigutilerinermi pinaveersaartitsinermut suleqatigiinneq qanoq pitsanngorsarneqarsinnaanersoq.

- 2) Tamanut kingutigissaanermut qanoq sunnuteqarsimava, kingutilerisut pisortaattut atorfiup taama siviutigisumik inuttaqarsimanginnera?** Soorunami atorfiup inuttaqarsimanginnera pitsaanerpaaffissamiinngilaq, kisianni piffissami tassani tamarmi kigutininut nakorsaaneqarallarsimavoq suliassamik naammassinnissinnaasumik. Taamaammatt atorfiup inuttaqarsimanginnera kigutilerinermik neqerooruteqarnermut ataatsimut isigalugu sunnuteqarsimangitsutut nalilerneqarpoq.

3) Suna pissutaava kingutilerisutut atorfiup taama sivisutigisumik inuttalernerqarsinnaasimannginneranut?

Ataatsimut isigalugu Kalaallit Nunaannit kigutininut nakorsanik pissarsiortarneq sapernarpoq. Atorfiit amerlanersaat piffissami sivikitsumi atorfeqartunik aamma/imaluunniit kigutininut nakorsatut naammasserlaanik inuttalersugaapput. Kigutininut nakorsaanertut atorfimmuut piumasaqaatit nalinginnaasumik kigutininut nakorsatut atorfimmuut sanilliullugu qaffasinnerupput taamaattumillu qinnuteqarsinnaasut aamma killeqarlutik. Naalakkersuisut isumaqarput atorfiup pineqartup inuttalernissaa peqqinnissaqarfimmi aqutsisutut allatut atorfinnut sanilliullugu ajornarnerusimangitsoq.

4) Naalakkersuisut isaanni suut piginnaasat pingaartutut isigineqarpat kingutilerisut pisortaannik atorfinitsitsinissamut atatillugu aamma atorfimmuut atatillugu piumasaqaatit suut pinngitsooratik naammassineqartariaqarpat?

Naalakkersuisunit piumasaqaatit makku pingaartinneqarput:

- Aqutsisutut misilittagaqarneq
- Pisortat kigutileriffii pillugit ilisimasaqarneq
- Kalaallit Nunaanni kigutilerineq pillugu ilisimasaqarneq

Piumasaqaat avaqqunneqarsinnaanngitsoq tassaavoq aqutsisutut misilittagaqarneq, pissutigalugu aqutsinermik misilittagaqarluannngikkaanni kigutininut nakorsaanertut atorfeqartoqarsinnaanngimmat.

5) Nutaamik kingutilerisut pisortassaannik qaqugu atorfinitsitsisoqarumaartoq Naalakkersuisut naatsorsuutigaat imaluunniit Naalakkersuisut pilersaaruteqarpat atorfimmik atorunnaarsitsiinnarniarlutik?

Naalakkersuisut kigutininut nakorsaanertut atorfiup atorunnaarsinnissaanut eqqarsaatersuuteqanngillat. Atorfik pingasoriarluni inuttassarsiuunneqarpoq. Atorfiup 1. februar 2018-imi inuttalernissaa neriuutigineqarpoq naatsorsuutigineqarlunilu.


6) Tamanut kingutigissaaneq kingutilerisullu pisortassaannik atorfinitsitsiniarnermut tunngasunik paasissutissanik soqutiginarsinnaasunik allanik Naalakkersuisut peqarpat?

Naalakkersuisut ilisimatitsissutigisinnaavaat kigutilerinermi pissanganartunik suliassaqalertussaasoq, soorlu kigutilerineq pillugu periusissiaq nutaaq

suliarineqartussaavoq kiisalu kigutilerineq nunap immikkoortuinut
agguataarneqartussaalluni.

Inussiarnersumik inuulluagqusillunga

Agathe Fontain





27. oktober 2017

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit kingutigissaasut pisortaattut atorfik pillugu:

- 1. Naalakkersuisunut nassuiaqquneqarpoq tamanut kingutigissaanermut kingutigissaasut pisortaattut atorfiup qanoq pingaaruteqartiginera taamatullu aamma kingutilerisut pisortaata peqqinnissaqarfiup sinneranik taamatullu peqqinnissaqarfiup sinnerani aqutsisunik qanoq suleqateqarnissaa naatsorsuutigineqarpa**
- 2. Tamanut kingutigissaanermut qanoq sunniuteqarsimava, kingutilerisut pisortaattut atorfiup taama sivistigisumik inuttaqarsimanninnera?**
- 3. Suna pissutaava kingutilerisut atorfiup taama sivistigisumik inuttalernerqarsinnaasimanninneranut?**
- 4. Naalakkersuisut isaanni suut piginnaasat pingaartutut isigineqarpat kingutilerisut pisortaannik atorfinitsitsinissamut atatillugu aamma atorfimmumut atatillugu piumasaqaatit suut pinngitsooratik naammassineqartariaqarpat?**
- 5. Nutaamik kingutilerisut pisortassaannik qaqugu atorfinitsitsisoqarumaartoq Naalakkersuisut naatsorsuutigaat imaluunniit Naalakkersuisut pilersaaruteqarpat atorfimmik atorunnaarsitsiinnarniarlutik?**
- 6. Tamanut kingutigissaaneq kingutilerisullu pisortassaannik atorfinitsitsiniarnermut tunngasunik paasissutissanik soqutiginarsinnaasunik allanik Naalakkersuisut peqarpat?**

(Demokraatit Inatsisartuni gruppiat)

Tunngavilersuut

Kingutilerisut pisortaattut atorfik sivistisumik inuttaqanngilaq aamma arlaleriarluni inuttassarsiuunneqarnikuvoq. Nunami maani naluneqanngitsutut pisortanit kingutigissaaneq ingerlanneqarpoq innuttaasunut akeqanngitsumik. Tassa imaappoq inuiaqatigiit kingutigissaanermut aningaasarpaalussuit atortarpaat.

Demokraatini tamanna tunngavigalugu isumaqarpugut pingaaruteqartoq immikkoortup kusanartumik ilisimasatigullu illersorneqarsinnaasumik ingerlanneqarnissaa. Tassani kingutilerisut pisortaattut atorfik pinngitsoorneqarsinnaanngilaq, naatsorsuutigisariaqarmat tamanik



DEMOKRAATIT
DEMOKRATERNE

kingutigissaanerup tamarmiusup tassani pilersaarusioneqartarnera.

Tamanna tunngavigalugu ernumanalaarpoq, kingutilerisut pisortaattut atorfiup taama sivilutigisumik inuttaqarsimannginnera.

Apeqqutit akeqqakka ullut suliffiit naliginnaasut qulit iluanni.